

Monday, August 25, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

ZPM ANNOUNCES CANDIDATE FOR DAMPA BY-ELECTION

ZPM chuan vawiin khan Dampa Bial MLA by-election lo awm tura an party candidate turin Pu Vanlalsailova an ruat thu an puang.

Byte : ZPM President Lalliansawta

ZPM President Lalliansawta chuan vawiin khan Party chhung inkhawmah Dampa Bial by-election a an candidate tur chu Pu Vanlalsailova a nih thu a puang a, Vanlalsailova hi MLA inthlan hnahnung ber khan Dampa Bialah hian ZPM ticket-in a ding a, MNF candidate boral ta Lalrintluanga Sailo a hneh zo lo a ni.

Dampa bialtu MLA Pu Lalrintluanga Sailo hi July ni 21 khan a thi a, by-election neih a ngaih avangin inbuatsaihna kalpui chhoh tan niin hmalakna kawng hrang hrangah neih a ni a, Election Commission of India in Dampa bial by-election neih hun tur hi puan thuai tura rin a ni.

Hetihlai hian eptu party Mizo National Front chuan an party candidate tur chu nomination committee in Assembly thutkhawm zawhah a ngaihtuah tur thu an sawi a, Mizoram Pradesh Congress Committee chuan candidate tur an ngaihtuah mek tih sawiin Mizoram BJP pawhin candidate an neih ngei tur thu leh search committee din in hma lak mek anih thu an sawi bawk.



CM

Prime Minister Narendra Modi an thla thar September ni 13-a a hawn tur Sairang leh Bairabi inkar Rel kawng chungchang sawiin Chief Minister Pu Lalduhoma chuan Pu Satish Kumar, Chairman & CEO, Railway Board chu inrinni khan a chenna inah kawmin inbuatsaihna hrang hrang an sawi dun.

Chief Minister hian Railway lamin National Highway atanga rel kawng panna kawng an laih leivungin National Highway side drain a vur avanga harsatna chungchang a sawipui bawk a. Side drain te siam tha a, concrete slab te khuh turin a hrilh a. Railway Compensation la chin fel loh an nei nia a hriat thu sawiin a rang lama chingfel turin a lo ngen a ni.



SPEAKER & DY SPEAKER

All India Speakers' Conference, Delhi Legislative Assembly a neihah Mizoram Legislative Assembly aiawhin Pu Lalbiakzama, Speaker leh Pu Lalfamkima, Dy. Speaker te an tel.

He conference-ah hian India rama state tin Legislative Assembly Speaker leh Dy. Speaker te an kalkhawm a. Conference motto chu 'Commemoration of Centenary of Veer Vithalbhai Patel' tih a ni a. India mi Central Legislative Assembly President leh Speaker atana thlan hmasa ber kum 100 tlin lawmna hun hman a ni. Hemi hun ah hian VITHALBHAI PATEL Postage Stamp tlangzarh nghal a ni.



AIR NEWS

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Zanin dar 6 leh a chanve ah Chanchinthar puan leh a ni ang.



NASHA MUKT BHARAT ABHIYAN

Tukin khan Mamit Charkawn atanga Bazar veng thleng Ruihhlo do kawngzawhna neih a ni.

Tukin kawng zawh pual inkhawmah hian Rev. F.Lalrammawia, FG& CC Mamit chuan ruihhlo hnathawh in taksa leh rilru lam a nghawng dan te, zirlai te tan a pawina leh ti ve chhin miahlo turin kalkhawmte a chah a ni.

Nasha Mukta Bharat Abhyaan leh Mamit Children Sanitation Club buatsaih ruihhlo do kawngzawh ah hian Mamit khawpui chhunga MHIP, Khawtlang hruaitu, Save Mamit leh sawmbik dangte telin mi 180 velin kawng an zawh a, Taekwondo Mamit Team te'n Demonstration hmuhdawm tak an entir bawk.



ICT MINISTER

Information & Communication Technology Minister Dr. Vanlalhlana'n Mizoramah tunlai thiamna hmanga hmasawmna tam tak a thlen thu sawiin harsatna paltlangin tangkai taka mipui rawngbawl hna thawh mek anih thu a sawi.

ICT Minister hian Zirtawpni khan 18th Edition of Digital Transformation Conclave, Taj Cidade De Goa-a neih chu Khualzahawm niin a hmanpui a. Dr. Vanlalhlana chuan Digital India Mission-in kawng hrang hranga hmasawmna a thlen thu leh digital technology te'n ram chhung hmun tin a dap chhuah thu sawiin, Mizoramah ngei pawh digital movement chuan nasa taka hma a sawn thu leh harsatna hrang hrangte paltlangin tangkai taka mipui rawngbawl hna a thawh mek

thu a sawi a. Digital infrastructure tih changtlun chhoh mek zel a nih thu sawiin, Mizo Fiber Grid Network project, BharatNet Phase-III project hnuaiah internet chak zawk buaipui a nih thu leh 4G Saturation project hmanga 4G tihchak leh 5G service state puma kalpui tura inruahman a nih thute, fibre pawh luh harsatna hmunah satellite kaltlanga internet pek vek tuma tanlak a nih thute, e-Governance state ni tura tanlak a nih thu leh Secretariat pumpui e-Office ah siam niin CM leh Cabinet Minister-te tiamin hmangtu 700 an awm mek thute a sawi a. Heng bakah hian e-RAM, Online OPD, Deaths & Births registration, MPSC Online platform, Vantlang Viltu, Online Bill payment, KAI App, Leak Apps leh Mipui Aw-te tarlangin hman tangkai an nih dante a sawi bawk.

ICT Minister chuan inbiakpawhna tha chhawp chhuah chu hmasawnna tluantling leh huapzo nei tura lungphum pawimawh tak a nih thu sawiin, Mizoram chuan Industry 4.0 hmanrua hmang tura hma a lak thu leh IoT leh GIS Solution a hman thute, digital literacy program ngaihpawimawh niin Microsoft nena tangdunin thalaite Artificial Intelligence chungchang zirtirna kalpui tum a nih thute, Bhasini hnuaiah Mizo leh tualto tawng dangte digital platform-ah dah chhoh mek zel a nih thute, Mizoram Startup Mission hmanga digital entrepreneur chawilar a nih thute a tarlang a. Mizoram chuan Digital India siam tura hmalakna a thlawp tlat thu leh Digital India leh ram intodelh, mahni kut kea ding thei - Vikshit Bharat @2047 - siam tura theihtawp chhuahpuiah kalkhawmte a sawm nghal bawk a ni.



PM MODI

Prime Minister Narendra Modi chuan vawiin hian ni hnih cham turin Gujarat a tlawh dawn.

Prime Minister in Gujarat a tlawh chhung hian Ahmedabad-a Khodaldham leh Hansalpur hmuna khawpui tih hmasawnna tur atana hnathawh hrang hrangte hawngin lungphum a phum dawn a. Mipui vantlang inkhawmah thu a sawi bawk dawn a ni.

